

36. 史 / 正史 / 明史 / 列傳 凡二百二十卷 / 卷三百十五 列傳第二百三 / 土司六 / 雲南土司三 / 八百二宣慰司(P.8160)..[底本：清武英殿本]

8163

其地東至車里，南至波勒，西至大古喇，與緬鄰，北至孟艮，自姚關東南行五十程始至。平川數千里，有南格刺山，下有河，南屬八百，北屬車里。好佛惡殺，寺塔以萬計。有見侵，乃舉兵，得仇即已，俗名慈悲國。嘉靖間，為緬所并，其酋避居景線，名小八百。自是朝貢遂不至。緬酋應裏以弟應龍居景邁城，倚為右臂焉。萬曆十五年，八百大甸上書請恢復，不報。初，四譯館通事惟譯外國，而緬甸、八百如之，蓋二司於六慰中加重焉。

37. 史 / 正史 / 明史 / 列傳 凡二百二十卷 / 卷三百二十 列傳第二百八 / 外國一 / 朝鮮(P.8279)..[底本：清武英殿本]

8279

明史卷三百二十

列傳第二百八

外國一

朝鮮

朝鮮，箕子所封國也。漢以前曰朝鮮。始為燕人衛滿所據，漢武帝平之，置真番、臨屯、樂浪、玄菟四郡。漢末，有扶餘人高氏據其地，改國號曰高麗，又曰高句麗，居平壤，即樂浪也。已，為唐所破，東徙。後唐時，王建代高氏，兼併新羅、百濟地，徙居松岳，曰東京，而以平壤為西京。其國北鄰契丹，西則女直，南曰日本。元至元中，西京內屬，置東寧路總管府，盡慈嶺為界。

8288

十一年四月，妾奏建州野人糾聚毛憐等衛侵擾邊境不已，乞朝命戒飭。十二年十月，妾為繼妻尹氏請封，賜誥命冠服。時禁外國互市兵器，妾奏：「小邦北連野人，南鄰倭島，五兵之用，不可缺一。而弓材所需牛角，仰於上國。高皇帝時嘗賜火藥、火礮，今望特許收買弓角，不與外番同禁。」兵部議歲市弓角五十，後以不足於用，請無限額，詔許倍市。

8289

初，成桂之自立也，與宰相李仁人本異族。永樂間，降祭海嶽祝文，稱成桂為仁人子，而祖訓亦載仁人子成桂更名旦。後成桂子芳遠奏辨，太宗許令改正。至是修大明會典，仍列祖訓於朝鮮國。貢使市以歸，懌上疏備陳世系，辨先世無弑逆事，乞改正。禮部議：「會典詳載本朝制度，事涉外國，疑似之際，在所略。況成桂得國出皇祖命，其不繫仁人後，太宗詔可徵，宜從其請。」詔曰：「可。」

8290

二十五年，峒遣使送下海番人六百餘至邊，賜金幣。二十六年正月，峒咨稱：「福建人從無泛海至本國者，因往日本市易，為風所漂，前後共獲千人以上，皆挾軍器貨物，致中國火礮亦為倭有，恐起兵端。」詔：「頃年沿海奸民犯禁，福建尤甚，往往為外國所獲，有傷國體。海道官員令巡按御史察參。仍賜王銀幣，以旌其忠。」

38. 史 / 正史 / 明史 / 列傳 凡二百二十卷 / 卷三百二十一 列傳第二百九 / 外國二 / 安南(P.8309)..[底本：清武英殿本]

8309

明史卷三百二十一

列傳第二百九

外國二

安南

安南，古交趾地。唐以前皆隸中國。五代時，始為土人曲承美竊據。宋初，封丁部領為交趾郡王，三傳為大臣黎桓所篡。黎氏亦三傳為大臣李公蘊所篡。李氏八傳，無子，傳其壻陳日炬。(校)元時，屢破其國。

39. 史 / 正史 / 明史 / 列傳 凡二百二十卷 / 卷三百二十二 列傳第二百十 / 外國三 / 日本(P.8341)..[底本：清武英殿本]

8341

明史卷三百二十二

列傳第二百十

外國三

日本

日本，古倭奴國。唐咸亨初，改日本，以近東海日出而名也。地環海，惟東北限大山，有五畿、七道、三島，共一百十五州，統五百八十七郡。其小國數十，皆服屬焉。國小者百里，大不過五百里。戶小者千，多不過一二萬。國主世以王為姓，羣臣亦世官。宋以前皆通中國，朝貢不絕，事具前史。惟元世祖數遣使趙良弼招之不至，乃命忻都、范文虎等帥舟師十萬征之，至五龍山遭暴風，軍盡沒。後屢招不至，終元世未相通也。

40. 史 / 正史 / 明史 / 列傳 凡二百二十卷 / 卷三百二十三 列傳第二百十一 / 外國四 / 琉球(P.8361)..[底本：清武英殿本]

8361

明史卷三百二十三

列傳第二百十一

外國四

琉球 呂宋 合貓里 美洛居 沙瑤訥嚕嚕 雞籠 婆羅 麻葉甕 古麻
刺朗 馮嘉施蘭 文郎馬神

琉球居東南大海中，自古不通中國。元世祖遣官招諭之，不能達。洪武初，其國有三王，曰中山，曰山南，曰山北，皆以尚為姓，而中山最強。五年正月命行人楊載以即位建元詔告其國，其中山王察度遣弟泰期等隨載入朝，貢方物。帝喜，賜大統曆及文綺、紗羅有差。七年冬，泰期復來貢，并上皇太子箋。命刑部侍郎李浩齎賜文綺、陶鐵器，且以陶器七萬、鐵器千就其國市馬。九年夏，泰期隨浩入貢，得馬四十匹。浩言其國不貴紈綺，惟貴磁器、鐵釜，自是賞賚多用諸物。明年遣使賀正旦，貢馬十六匹、硫黃千斤。又明年復貢。山

8362

南王承察度亦遣使朝貢，禮賜如中山。十五年春，中山來貢，遣內官送其使還國。明年與山南王並來貢，詔賜二王鍍金銀印。時二王與山北王爭雄，互相攻伐。命內史監丞梁民賜之敕，令罷兵息民，三王並奉命。山北王怕尼芝即遣使偕二王使朝貢。十八年又貢，賜山北王鍍金銀印如二王，而賜二王海舟各一。自是，三王屢遣使奉貢，中山王尤數。二十三年，中山來貢，其通事私攜乳香十斤、胡椒三百斤入都，為門者所獲，當入官。詔還之，仍賜以鈔。

41. 史 / 正史 / 明史 / 列傳 凡二百二十卷 / 卷三百二十四 列傳第二百十二 / 外國五 / 占城 寶童龍 (P.8383)..[底本: 清武英殿本]

8383

明史卷三百二十四

列傳第二百十二

外國五

占城寶童龍 真臘 暹羅 爪哇 閩婆 蘇吉丹 磤里 日羅夏治 三佛齊

占城居南海中，自瓊州航海順風一晝夜可至，自福州西南行十晝夜可至，即周越裳地。秦為林邑，漢為象林縣。後漢末，區連據其地，始稱林邑王。自晉至隋仍之。唐時，或稱占不勞，或稱占婆，其王所居曰占城。至德後，改國號曰環。迄周、宋，遂以占城為號，朝貢不替。元世祖惡其阻命，大舉兵擊破之，亦不能定。

42. 史 / 正史 / 明史 / 列傳 凡二百二十卷 / 卷三百二十五 列傳第二百十三 / 外國六 / 淳泥(P.8411)..

[底本：清武英殿本]

8411

明史卷三百二十五

列傳第二百十三

外國六

淳泥 滿刺加 蘇門答刺 須文達那 蘇祿 西洋瑣里 瑣里 覽邦 淡巴 百花 彭亨一作澄亨又作彭坑 那孤兒 黎伐 南渤利 阿魯 柔佛 丁機宜 巴喇西 佛郎機 和蘭

淳泥，宋太宗時始通中國。洪武三年八月命御史張敬之、福建行省都事沈秩往使。自泉州航海，閱半年抵閩婆，又踰月至其國。王馬合謨沙傲慢不為禮，秩責之，始下座拜受詔。時其國為蘇祿所侵，頗衰耗，王辭以貧，請三年後入貢。秩曉以大義，王既許諾，其國素屬閩婆，閩婆人間之，王意中沮。秩折之曰：「閩婆久稱臣奉貢，爾畏閩婆，反不畏天朝邪？」乃遣使奉表箋，貢鶴頂、生玳瑁、孔雀、梅花大片龍腦、米龍腦、西洋布、降真諸香。八

8412

月從敬之等入朝。表用金，箋用銀，字近回鶻，皆鏤之以進。帝喜，宴賚甚厚。八年命其國山川附祀福建山川之次。

.

43. 史 / 正史 / 明史 / 列傳 凡二百二十卷 / 卷三百二十六 列傳第二百十四 / 外國七 / 古里(P.8439)..
[底本：清武英殿本]

8439

明史卷三百二十六

列傳第二百十四

外國七

古里 柯枝 小葛蘭大葛蘭 錫蘭山 榜葛刺 沼納樸兒 祖法兒 木骨都東 不刺哇 竹步 阿丹 刺撒 麻林 忽魯謨斯 溜山比刺 孫刺 南巫里 加異勒 甘巴里 急蘭丹 沙里灣泥 底里 千里達 失刺比 古里班卒 刺泥夏刺比 奇刺泥 窟察泥 捨刺齊 彭加那 八可意 烏沙刺陽 坎巴 阿哇 打回 白葛達黑葛達 拂菻 意大里亞

古里，西洋大國。西濱大海，南距柯枝國，北距狼奴兒國，東七百里距坎巴國。自柯枝

8440

舟行三日可至，自錫蘭山十日可至，諸蕃要會也。

.

44. 史 / 正史 / 明史 / 列傳 凡二百二十卷 / 卷三百二十七 列傳第二百十五 / 外國八 / 韃靼(P.8463)..

[底本：清武英殿本]

8463

明史卷三百二十七

列傳第二百十五

外國八

韃靼

韃靼，即蒙古，故元後也。太祖洪武元年，大將軍徐達率師取元，元主自北平遁出塞，居開平，數遣其將也速等擾北邊。明年，常遇春擊敗之，師進開平，俘宗王慶孫、**(校)**平章鼎住。

.

45. 史 / 正史 / 明史 / 列傳 凡二百二十卷 / 卷三百二十八 列傳第二百十六 / 外國九 / 瓦剌(P.8497)..
[底本：清武英殿本]

8497

明史卷三百二十八

列傳第二百十六

外國九

瓦剌 朵顏福餘 泰寧

瓦剌，蒙古部落也，在韃靼西。元亡，其強臣猛可帖木兒據之。死，眾分為三，其渠曰馬哈木，曰太平，曰把秃孛羅。

.